

# El Movimiento Nacional por la Diversidad Cultural de México convoca al VI Concurso Nacional de Fotografía

## TEMA: RACISMO



### EROKURHIKUA

Jarhoap'eni p'itakatecha jímpo k'uiripuni mitetarani eska Méxiku jarhaska RASISMO arhikata, enka, jinteka enka ma k'uiripu materu k'uiripuni no sési exeaka o no sési arhini, kunkurhikuecha, o juramuticha enka k'erati juramukuecharhu jaka, eska na ma jaxika o enka materu jasi mimixikua-pintekua jats'iaka, materu jasi xukuparhani, jakak'ukua, irekua, uantakua ka materu ampe. Isi jímpo, rasismo arhikata no uékasinti eska icha jats'iaka iaminta ampe enka jinteka urakua iamintecheri ka jantiakueri, enka jinteka jorhenkurhikua, tsinap'erakua, k'uap'ekua, kurhak'urhikua, o materu ampe., o no sési exekua, enkatsini tamu isi kentitak'a noksí mak'ueni exenani ka komuksi kanani.

### JURAMUKUECHA ESKA NA UKURHIAKA I ANTAPERAKUA

Ne enka uéka inchamukuni  
Uáti ichamukuni, antaperakuarhu k'uiripu enka tsitiaka p'itani p'itakatechani ka imecha enka inteni ampe anchikurhik'a, enkaksi Méxiku anapueka, imecha enka uékaka jarhoap'eni eska mitenaka eska jarhaska ixu Méxiku uánikua jasi mimixikuecha ka isi mitinantani jukaparhakuempa, jananarhikua ka k'uach'akua.

### P'itakatecheri

- Enkari inchamukuaka, antaperakuarhu uákari axani iúmu p'itakatechani urapiti ka turhipiti o sepia arhikata.
- P'itakatecha enka mot'akunaka o sési jak'unantani noksí uáti inchamukuni antaperakuarhu.
- P'itakatecha uáti xarhatani indigenecheri mimixikua, iretecha enka iáuni jutika o k'uiripueri enka murutiru isi nirak'ani anchikurhita jirinani.
- P'itakatecha enka intspekurhiaka jinteatiksi enka ima p'itaka enka uékani jaka inchamukuni antaperakuarhu, noksí jinteati enkaksi xarharakia marutiru isi, noksí jinteati enkaksi inchamukupkia materu antaperakuarhu ka no marutiru isi intsipeani.

### Na jatini enka p'itakatechani jupikanaka

- Jupikakua P'itakatecheri jinteati eska na xarhatanaka i siranta mitperatarakua ka k'amakurhiati lunes 17 oktubre 2016 jímpo 23:59 atakuarhu.

• P'itakatecha jupikanati i arhikurhikua elektrónica arhikata jímpo: [mndcmexico@gmail.com](mailto:mndcmexico@gmail.com)

• "Erokurhikuarhu" korreo arhikatarhu karakari ini uantakuechan: "VI Concurso Nacional de Fotografia" ka karakatarhu jatsikuakari: arhikurhikua ka jakankurhikuecha, mintakua, arhikurhikua nani enkari irekaka xanaru ka ireta, miukua uantaperatarakueri, ka ma arhikurhikua korreo arhikata enka jinteaka iri enka inchamukuaka antaperakuarhu.

- Icha enka inchamukuaka antaperakuarhu axatiksi korreo elektrónico arhikata jímpo:
  - P'itakata o p'itakatechani i formato *tif* o *jpg*, ma resolución arhikata 300 dpi ka kuetsapekua 5 MB ma p'itakata jímpo (arhikurhikua archivo arhikateri jinteati eska na arhikurhikua p'itakatecha).
  - Ma kopía mitperatarantskueri, formato arhikata *jpg*, enka arhiaka eska sési jarhaska arhikurhikua jakankurhikuecha ka arhikurhikua k'eri echerio enka kueranak'a i enka inchamukuaka antaperakuarhu.
- I enka inchamukuaka antaperakuarhu axati p'itakatechani ka, enka axaka, uantakua intspeati eska iaminta ampe enka jimini karaka sési jímpoesti.

### Intsiperakuecha

- Enka uénaka antani: \$10,000.00 m/n (Tempeni sutupu tumini Mexiku anapu), ma jatarhakua takukukatecha, anchitakua audiobisuales arhikata, siranta mitperatarakua ka xarhatakua p'itakatecheri.
- Enka tsimani antaka: \$5,000.00 m/n (úimu sutupu tumini Mexiku anapu), ma jatarhakua takukukatecha, anchitakua audiobisuales arhikata, siranta mitperatarakua ka xarhatakua p'itakatecheri.
- Enka tanimu antaka: Ma tableta electrónica arhikta, ma jatarhakua takukukatecha, anchitakua audiobisuales arhikata, siranta mitperatarakua ka xarhatakua p'itakatecheri.

### Na enka erakunak'a antapiticha

- Kunkurhikua k'uiripuecha enka ini ampe sési mitika erakuantatiksi p'itakatechani enka santeru sési xarharaka.
- I kunkurhikua k'uiripuecha enka erakuantaka p'itakatechani ka imechani enkaksi antapeaka intspeatiksi mantskuechan onorifikas arhikata enkaksi exeaka eska p'itakataecha sési p'itakata jarhaska ka icheri eratsikua no ne uánti mot'akuntani.

### Juramukuecha k'amakuni jamani

- P'itakatecha enkaksi antapeaka ka intsínaksi mantskua onorifikas arhikata xarhatanatiksi, isi jímpo imecha enka antapeaka intsipeatiksi p'itakatechani ichani enka uni jaka antaperakua, jopero p'itakatecharhu jukati arhikurhikua interi enka p'itaka. Enka úaka sési uaxatakata pakarani antapiticha uáti ma siranta jima enka arhiaka eska p'itakatechani intsipeaxaka ka eska no uáka materu juramukua uékani p'itakatechani p'ikuani.
- P'itakatecha enka antapeaka xarhatanati 31 oktubre 2016 eiamperatarakuecha jímpo ka jimini web arhikatarhu enka jatsíka y kunkurhikua enka p'imarpika.
- K'uiripuecha enka antepeaka ka enkaksi jatsíaka mantskua honorifica arhikata eiankunatiksi eska inte intsímperekua 17 nobiembre 2016 jímpo ukurhiaaka k'umanchikua xarhatakuarhu indígena enka uaxastakata jika CDMX arhiktarhu.
- P'itakatecha enka no erakunaka ket'atanati i antaperakuarhu eska na erakunak'a icha enka antapeaka.
- Ampe enka no jukaka i siranta mitperatarakua, uantonskurhinati intechá jinkoni enka uni jaka ini antaperakua ka noksí uáti mot'akuntani.
- Enka ma k'uiripu uékaka inchamukuni ini antaperakuarhu jananarhiati juramukuechaní.

### ¿Nani uáka eiamperakua kurhak'urhini?

Arhitsíkukua na enka uáka eiankupeni ka k'amakuni Diskriminación arhikata ixu Méxiku.

Sekretaria Téknika Exerpikua K'eri echerio uánikua jasi mimixikuecha Méxiku anapuecha.

Uantaperatarakua: 55-12-86-27

Korreo: [mndcmexico@gmail.com](mailto:mndcmexico@gmail.com)